

**“OUT OF REACH” - draft 3**  
**Short Film ni Bianca Bonjibod**

MANILA, 2030. May babaeng nasa bubong ng bahay nila. Sa malayo makikita natin ang cityscape ng Bagong Maynila. Wala nang polusyon. Wala nang traffic. Mukhang payapa. Mukhang maunlad.

Pan down, makikita natin ang bubong na kinatatayuan ng babae. Marumi. Magulo. Mukhang mabaho. Ibang-iba sa nakikita natin sa malayo. Parang walang pinagbago sa Maynila ngayon.

Itataas ni Gab, 25 (ang babaeng nasa bubong) ang selpong hawak sa kamay. Makikita nating naghahanap pala siya ng signal kaya nasa bubong ng bahay. May gusto siyang matanggap na text pero walang dumarating dahil wala na namang signal sa kanila. Sa screen ng cellphone, makikita natin na nag-aabang siya ng confirmation galing sa employment agency dahil naghahanap siya ng trabaho abroad.

Sa malayo, masisipat ni Gab ang mga pulis na pumuporma na sa kani-kanilang pwesto. May raid na naman. Kaya naman pala walang signal ay dahil sa mga signal-jammer na madalas nilang ginagamit sa mga ganitong op.

Maririnig natin ang nanay ni Gab na sisigaw mula sa baba. Pinapagalitan na naman niya ang anak ni Gab na si Abby. Agad-agad na bababa si Gab para siguraduhin na hindi sasaktan ng Nanay si Abby.

Pagpasok ni Gab sa bahay makikita niyang umiiyak si Abby habang dinuduro ng Nanay. Sinisisi nito ang bata na nag-ubos daw ng gin n'ya. Sumagot si Gab na bata lang si Abby at hindi ito uinom ng alak, at saka kagabi pa inubos ng Nanay ang isang buong bote ng gin.

Nagkasigawan sa bahay. Dahil lang sa isang bote ng Empi na inubos ng tomadorang nanay ni Gab. Magkakasumbatan (Wala kang utang na loob, nanay mo ko! Puro inom ka lang naman, ako ang nagtatrabaho sa bahay na ito!). Magkakatulakan. Magkakasakitan. Nang muntik nang mabato ng Nanay si Abby ng bote ng alak, agad-agad na binuhat ni Gab ang bata at lumabas ng bahay. Very faintly maririnig ni Gab ang sumbat ng Nanay (sige, lumabas ka ng bahay, alam mong may raid ngayon eh).

Naluluhang pumunta si Gab sa bahay ng bestfriend na si Lucy. Agad pinatuloy ni Lucy ang mag-ina sa takot na baka magsimula na ang raid at kung mapaano pa sila. Pinanood nila si Abby ng cartoons sa loob ng kwarto ni Lucy pagkatapos ay nag-breakdown na si Gab. In between sobs, ikekuwento ni Gab kay Lucy ang tungkol sa trabahong inapplyan abroad at kung paano ito magiging malaking tulong sa pamilya n'ya.

Mapag-uusapan nila kung gaano kahirap dito sa Baranggay 909 at walang pag-asang guminhawa ang buhay ng mga tagarito dahil sa sunod-sunod na raid at buy bust ops na dito laging ginagawa dahil sa anumang agreement ng mga politiko. Magjo-joke si Lucy na baka kailangan lang nilang maghanap ng mapapangasawang politiko, single pa man din ang mga anak na binata ng Mayor. Mangingiti onti si Gab, cute nga naman daw yung bunso, kaso gusto ba talaga nila yun?

Pero biglang magseseryoso ulit si Gab. Marerealize niya na kung matanggap siya abroad eh sinong mag-aalaga kay Abby? Hindi naman niya pwedeng iwan sa Nanay niyang lasinggera, baka kung mapaano ang bata. Mag-o-offer si Lucy na siya na lang mag-aalaga sa bata, pero para kay Gab, gusto niyang sa kapamilya pa rin. At saka, magagalit ang Nanay 'pag hindi iwan sa kanya si Abby. Ie-explain ni Gab na kaya lang naman naging lasinggera ang Nanay ay dahil lagi siyang iniwan ng mga mahal niya sa buhay--una ng Tatay niya, sunod ng Kuya. So kung iwan pa niya at ni Abby, ay baka kung anong gawin niya sa sarili niya.

Mapapabuntong-hiniga si Gab. 'Di niya na alam ang gagawin. Magtrabaho abroad para siguraduhin na maginhawa ang buhay ng pamilya niya, o mag-stay sa Baranggay 909 na kahit mahirap ay ligtas naman ang anak.

Habang nagmumuni-muni si Gab maririnig na natin ang putukan at ingay ng raid sa kalsada.

Hahawakan ni Lucy ang mga kamay ni Gab at ihaharap sa kanya ang cellphone nitong walang signal. Sasabihin ni Lucy, na hindi malalaman ni Gab kung ano ang tunay niyang gusto hangga't sa makita niya ang text.

Hihinga nang malalim si Gab. Wala namang mawawala. Basta mag-ingat lang siya.

Magpapaalam si Gab kay Lucy, ibibilin ang anak sa kanya. Tatango si Lucy at sasabihin kay Gab na mag-ingat. At maingat na itong lalabas sa bahay ng bestfriend niya.

Bago pa may makakita, pumasok na si Gab sa madilim at masikip na eskinita.

Parang magnanakaw sa gabi, maingat na tumakbo si Gab. Sinisikap na walang ingat ang mga yapak sa bako-bakong semento sa kalsada.

Bago siya tumawid, sinisilip muna n'ya kung may paparating na mga pulis.

Nakakatawa, isip n'ya, 'di naman illegal ang gagawin n'ya. Naghahanap lang naman siya ng signal. Pero bakit parang feeling n'ya may mali sa ginagawa n'ya?

Maglalakad siya papuntang direksyon ng bukana ng baranggay. Kaso may tumawag bigla sa kanya! Gab! Sigaw ng isang pamilyar na boses.

Paglingon n'ya, kita n'ya yung Kapitbahay na pinagkakautangan ng Nanay niya. Ito yung sari-sari store na laging kinukuhanan ng Nanay niya ng alak Laking gulat n'ya nang tinawag siya ng Kapitbahay nila mula sa bintana nito. Takot ni Gab na baka sitahin s'ya at isumbong sa pulis--o worse, sa Nanay niya.

Maingat s'yang lumapit.

Naninigil na naman ng utang itong Kapitbahay (kuha nang kuha 'tong Nanay mo ng alak sa'kin ha? Kailan n'yo ba babayaran utang ninyo?). So nag-excuse s'ya. Sabi n'ya late na s'ya para sa shift nya sa trabaho. Nung may 3 steps away na siya, narealize ng Kapitbahay na may raid nga pala! Kaya nagsimula siyang magsisigaw--nakuha ang atensyon ng mga nagdaraang pulis.

Mabilis nang tumakbo si Gab.

Narinig ng mga pulis ang sigaw ng Kapitbahay--napagkamalan tuloy s'yang suspek. A chase ensues. Para makaiwas, lumusot siya sa isang napakasikip na eskinita. Pero paglabas niya ng dulo ng eskinita, may crossfire.

Nilingon niya ang pinanggalingan at nasipat na papalapit na ang mga pulis. Wala siyang choice kundi gumapang sa marumi at mabubog na semento para makatawid sa crossfire.

Sa wakas, nalamangan niya ang mga humahabol sa kanya.

Finally, mararating ni Gab ang bukana ng baranggay.

Maririnig natin ang pinakaabangang "ping" ng notification. Babasahin ni Gab ang message.

Maluluha.

Makikita natin na hindi niya nakuha ang trabahong inaplayan. Pero okay lang dahil sa isip n'ya kahit hindi ligtas dito sa Baranggay 909, at least ligtas ang anak ko sa piling niya.

Maglalakad siya ng dahan-dahan pabalik sa loob ng baranggay habang palabas na ang mga pulis na may karga-karga na mga body bag.